

Bosna i Hercegovina  
Federacija Bosne i  
Hercegovine  
Kanton Sarajevo  
Grad Sarajevo  
**OPĆINA CENTAR  
SARAJEVO**  
Općinski načelnik



Bosnia and Herzegovina  
Federation of Bosnia and  
Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и  
Херцеговине  
Кантон Сарајево  
Град Сарајево  
**ОПШТИНА ЦЕНТАР  
САРАЈЕВО**  
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) i člana 4. Pravilnika o kriterijima i raspodjeli novčanih sredstava za dodjelu jednokratne novčane pomoći („Službene novine Kantona Sarajevo“ broj:16/24 i 43/24 ) i tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

### **JAVNI POZIV**

#### **za dodjelu jednokratne novčane pomoći licima u stanju socijalne potrebe**

#### **1. PREDMET JAVNOG POZIVA**

Predmet ovog Javnog poziva je dodjela jednokratne novčane pomoći građanima općine Centar Sarajevo koji se nalaze u stanju socijalne potrebe.

#### **2. FINANSIJSKA SREDSTVA**

Sredstva za dodjelu jednokratne pomoći raspoređivat će se u skladu sa odredbama Pravilnika o kriterijima i raspodjeli novčanih sredstava za dodjelu jednokratne novčane pomoći („Službene novine Kantona Sarajevo“ broj 16/24 i 43/24) sa budžetskih pozicija:

- 614231-12 Beneficije za socijalnu zaštitu socijalne pomoći pojedincima urgentne socijalne pomoći u iznosu od 200.000,00 KM:
- 614231-11 Beneficije za socijalnu zaštitu socijalne pomoći pojedincima užine za učenike OŠ u statusu soc. potrebe i štíćenike Doma u iznosu od 220.000,00 KM
- 614231-13 Beneficije za socijalnu zaštitu socijalne pomoći pojedincima troškovi smještaja socijalno ugroženih lica u iznosu od 45.000,00 KM
- 614231-14 Beneficije za socijalnu zaštitu Socijalne pomoći pojedincima troškovi ukopa socijalno ugroženih lica u iznosu od 4.000,00 KM
- 614239-72 Ostali transferi pojedincima sufinans. školovanja marginaliziranih grupa i žrtava nasilja u cilju socio-ekonomskog osnaživanja u iznosu od 3.000,00 KM
- 614239-73 Ostali transferi pojedincima školovanje djece iz alternativne brige i mladima koji izlaze iz sistema alternativne brige u iznosu od 30.000,00 KM

Planiran iznos sredstava za ove namjene u Budžetu Općine Centar Sarajevo za 2025. godinu iznosi 502.000,00 KM. Raspoloživa sredstva po ovom javnom pozivu utvrdit će se nakon zatvaranja javnih poziva objavljenih u skladu sa Odlukom o privremenom finansiranju.

Minimalan iznos jednokratne novčane pomoći u skladu sa odredbama Pravilnika o kriterijima i raspodjeli novčanih sredstava za dodjelu jednokratne novčane pomoći („Službene novine Kantona Sarajevo“ broj 16/24 i 43/24) iznosi 150,00 KM.

Maksimalan iznos jednokratne novčane pomoći u skladu sa odredbama Pravilnika o kriterijima i raspodjeli novčanih sredstava za dodjelu jednokratne novčane pomoći („Službene novine Kantona Sarajevo“ broj 16/24 i 43/24) iznosi 1.200,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

### 3. CILJ DODJELE SREDSTAVA PUTEM JAVNOG POZIVA

Cilj pružanja jednokratne novčane pomoći je ublažiti trenutno stanje socijalne potrebe u kome se našao pojedinac odnosno porodica.

### 4. UVJETI ZA OSTVARIVANJE PRAVA NA JEDNOKRATNU NOVČANU POMOĆ

#### a) Pravo na jednokratnu novčanu pomoć imaju lica u stanju socijalne potrebe pod sljedećim uvjetima:

- da podnosilac zahtjeva ima prebivalište na području općine Centar Sarajevo u trajanju od najmanje jedne godine do dana podnošenja zahtjeva;
- da je podnosilac zahtjeva lice u stanju socijalne potrebe definisano članom 5. ovog Pravilnika;
- da niko od članova porodičnog domaćinstva podnosioca zahtjeva nije vlasnik preduzeća ili samostalne radnje ili ima registriranu dopunsku djelatnost;
- da niko od članova porodičnog domaćinstva podnosioca zahtjeva nije ostvario jednokratnu novčanu pomoć putem Odsjeka za boračko-invalidsku zaštitu;
- da niko od članova porodičnog domaćinstva podnosioca zahtjeva nije ostvario drugi vid novčane pomoći putem Odsjeka za socijalnu zaštitu, izuzev pomoći koje se odnose na sufinansiranje lijekova i liječenje.
- da je podnosilac zahtjeva opravdao budžetska sredstva dodijeljena u prethodnoj godini na ime jednokratne novčane pomoći koju je ostvario putem nadležne službe za poslove socijalne zaštite.

#### b) Pravo na sufinansiranje troškova smještaja ostvaruju domaćinstva pod sljedećim uvjetima:

- a) da porodično domaćinstvo nema riješeno stambeno pitanje;
- b) da ukupna primanja domaćinstva ne prelaze visinu jedne i po prosječne plaće u FBiH prema posljednjim statističkim pokazateljima;
- c) da imaju godinu dana prebivališta na području općine Centar Sarajevo i
- d) da posjeduju ovjeren ugovor o podstanarskom odnosu ili izjavu o podstanarskom odnosu vlasnika/posjednika stambenog prostora.

#### c) Pravo na plaćanje dženaze/sahrane/ukopa:

Pravo na plaćanje troškova dženaze – sahrane – ukopa za lica u stanju socijalne potrebe utvrđuje se na prijedlog društva koje se bavi uslugama ukopa i pod uvjetom da se ovo pravo ne može finansirati putem Službe socijalne zaštite općine Centar.

**(d) Pravo na sufinansiranje troškova školovanja** u visini do 50% iznosa jednogodišnje školarine za žrtve porodičnog nasilja, pod uvjetima da se nalaze na školovanju na visokoškolskoj ustanovi i da su evidentirane kao žrtve porodičnog nasilja putem nadležne Službe socijalne zaštite općine Centar.

### 5. POTREBNA DOKUMENTACIJE

Podnosioci zahtjeva za dodjelu jednokratne novčane pomoći po ovom Javnom pozivu dužni su dostaviti sljedeću dokumentaciju:

- Kućna lista;
- Potvrda poslodavca o visini primanja za sve punoljetne članove domaćinstva;
- Kopija čeka penzije ostvarene putem Zavoda za PiO;
- Medicinska dokumentacija za oboljele članove porodičnog domaćinstva;
- Potvrda od škole da se dijete starije od 15 godina nalazi na redovnom školovanju;
- Potvrda o školovanju na visokoškolskoj ustanovi za žrtve porodičnog nasilja;
- Ugovor o zakupu ili ovjeren izjava vlasnika stambenog objekta o zakupu;
- Ukoliko smrt nije prijavljena u Općini Centar dostaviti dokaz da je dijete bez oba roditelja;
- Ukoliko smrt nije prijavljena u Općini Centar dostaviti smrtni list za umrlog člana domaćinstva;
- Potvrda banke o otvorenom tekućem računu.

## **6. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA**

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo ([www.centar.ba](http://www.centar.ba)).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 30 dana od dana podnošenja riješiti zahtjev i o tome obavijestiti podnosioca.

Dodatne informacije se mogu dobiti na broj telefona: 033/562-447.

Korisnici koji ostvare pravo po ovom Javnom pozivu dužni su dodijeljena finansijska sredstva pravdati na način koji će biti utvrđen zaključkom Općinskog načelnika.

Objavom ovog javnog poziva prestaje da važi javni poziv objavljen u skladu sa Odlukom o privremenom finansiranju potreba Općine Centar Sarajevo za period januar – mart 2025. godine („Službene novine Kantona Sarajevo“ broj 52/24).

**Općinski načelnik**

Srđan Mandić